

PILUAQNAQTULIQUAUNGITTUT HAVANGUYUMUT NAINAQHIMAYUT

Havikhait piqaqni piyuminaqhautiyut piqaqnit mannagutikhanut ayuqhaguiqhaqniqmutlu inuinit Nunavutmi angiqatigigutauyuni ihuaqutauni malikhugit tahapkuat havikhaqhiuqtit nanminilgit. Golden Bull Risuasis Kuapurisan taty pihimayut 22 kavamatuqatkutni havikhat pihimani katittugit 49,815.9 acres tahamani Committee Bay Qimingani tahamani Akitnani Kitikmeotni Nunavutmi. Tamna tukhigaqtuq, Golden Bull Risuasis Kuapurisan (“GBR-kut”) tamna 100% nanminigiyaayuq ilagiyat tapkuat Golden River Risuasis Kuapurisan (“GRR”), uuktugutilik havaknik havikhaqhiuqniq havagutit pigiyamingni 22 Committee Bay Greenstone Qimingani havikhait pitaqni taty pihimayai 100% atiani tapkuat Golden Bull Risuasis Kuapurisan.

Tamna havanguyuq nuna ilalik ilagiyainik tapkuat NTS (Nunaqyuaqmi Nunap Qangini Havagutit) nunauyat makpigait 56K, 56J, tamnalu 56O. Bay Risuasis-kut pigiyai inilgit 245 tikitlugu 365 kilaamitat uanangata akitnani nunaliuyut Baker Lake (Qamani'tuaq), tamnaluniit 210 tikitlugu 320 kilaamitat nigingani talvunga kanangnangata nigingani nunaiuyut Repulse Bay (Naujat). Tamna nunaliuyuq Kagaaruk (taiyauvakhimayuy Pelly Bay) tahamani 190 tikitlugu 305 kilaamitat uanangata akinani tapkuat pigiyayut ilagit. Sila Hiniktaqvut, iniaqtuq tahamani Wager Bay mikhaanittuq 150 kilaamitat kanangnangata akitnani taphuma Laughland Tahiq havakviani nuna.

Tallimanut ukiut havikhaqhiuqniq havagut, pilagunaqhiyut kayuhininut nakuuyumik qanugitni, uuktugutauyuy tahapkununga 22 havikhaqniq piyagayut (ilagit 10 havakviuyunik). Tamna 2012-mi havikhaqhiuqniqmut havagut ilaqaqniq nuna nappaqtuivi pinguqtauni (immaq atulugit sikiitut), nunaliginiqmut nunaualiuqniq, nalvaqhiuqniq, manigakkut tingmitikkutlu naunaiyaini atulatu iniqtiqutiginini hikittumik ikuutaqniq havagutit. Atulihagtitlugu 2012-mi, auqniqhaq hiniktaumavik pinguqtauniq mikiyumi qikiqtami tahamani uanangata ihuani taphuma Walker Tahiq. Atulaq ahia / nautiumat hiniktaqvik inaa, uqhiqhiq inaa mittaqviklu inaa uuktugutauyut inikhai tahamani uanangata nigingani ihuani Cay Tahiq (056K/09). Tapkuat nanminilgit hivulliqmik atuqtat una havakvik atuqtitlugu 2004 havikhaqhiuqniqmut havagutit. Tapkuat atuqniqhauyut, mikhaani 12 inuit talvanitniat hiniktaumavikmi kihimik hanayayuq atuqtaunikhanut ikuutaqniqmut havagutit taty uuktugutauyut 2012/13-mut. Una hiniktaumavik atuqtauniq atuqniahaunia tamaitnut havikhaqhiuqniqmut havaktit havaktit tamaitni 22 havikhaqniq pitagaunini. Tikittaqni tahapkuat nunat sartukut sikiilikmik/qayalikmik/maniqami akhalualiqhimayumi STOL tingmit talvangat Yellowknife/Kangiqhiniq/Qamanittuaq. Nuktigautit tahamani nunani piqaqtauniat hiniktaumavikmittumi halikaptamut kanturaktauuyuy tapkununga GBR-kut. Uqhukhat tingmitauniat tugaqpiqlugu tamna Walker Tahiq hiniktaumavik. Tamaita uqhukhat talvani hiniktaumavikmi naamaktumik tutqugauniat 205 litani qattaqyuaqni. Kitutliqak amiakut uqhukhat, tamaita imaityat qattaqyuat tamaitalu iqakut ahivaqtauniat iniqata atuni maniqami ukiup ilani havaknit.

Tamna hivulliqmik hikhaqhiuqniqmut havakniq ilaqaqniq tapkuat pinguqtauni nunani nappaqtuini nunat talvani Pickle, KK, EE, AA, NN2 tamnalu WEST havakvit qangagut nunat nunaliginiqmut naunaiyaqni maniqamiklu nipitqaqtautiliknut, EM (tamnaluttauluniit IP) nunaliginiqmut naunaiyainiq havaktauniat. Piplugit amigaitniqhat nunaliginiqmut naunaiyainit upalungaiyaqtauni atulihagtitlugu Upinganga naliakni 2012 tamnalu/tamnaluniit 2013, hivuani pinguqtaunia angmaqniahaqtitlugu tamna angitqiyay atuqniqhaq hiniktaumavik, tapkuat nunaligiyit havaktit nayuqniqat mikiyuy, nuktilaq “tingmittalaq” hiniktaumavit atuni havakvikni ayuqnaittut pihukni/sikiituqni tililaqnit nappaqtugut nunanut. Tahapkuat halumaqtigauqpiqniat kinguagut atuni havagutit.

Upingangukhaqtitlugu 2012-mi, atuqtitlugu hivulliqmik maniqami havakviuni, tamna 15 (tikitlugu amihuniqhanut 25) inungnut atuqniqhaq hiniktaumavik pinguqtauniq talvani mikiyumi qikiqtami uanangata ihuani Walker Tahiq. Atuqtitlugu tamna kinguagut havikhaqhiuqniq havakvi (2013 tikitluguluniit 2016), atuni upingani tamna Walker Tahiq hiniktaumavik pinguqtauphaqniq pikpata qanugitni tapkunangat hivuagut havikhaqhiuqniqmut havagutit havaktauni pitagauhimayuni ukunani nunani pityutaukpata havikhaqhiuqpaliknikhanut. Ilagiagutit nunaliginiqmut, nunaliquitinut, iluttuqtiqiniqmut ikuutaqniqmutlu havagutit upalungaiqtauniat, pikpata tugaqtakhat nunat pinguqtaupkata. Atuqtitlugu tamna aipa ukiunga uuktugutauyut havagutit, tugaqtauyut naunaiqni tapkunani hivuagut maniqami havagutit qiniqtauniqmiyut unniqtutai atuqlugit ilagiagutit nunaliquitinut naunaiyaqni ikuutaqniqmutlu havagutit.

Atuqtitlugit tapkuat uuktugutauyut havikhaqhiuqniqmut havagutit, piittuq napainaqtukhanik pinguqtualaittuq tamaitalu iqakut hiniktaqvikmilu hunat ahivaqtauniat iniqata atuni maniqami havagutai tamnalu nutqaqqat havagutauyuy. Anait hiamalaihimaniat atuqlugit “Pacto-qanugittuni” hilaippait

kinguagutlu ikualataulutik aqyailu hauyaulutik/utqutyaulutik talvunga Yellowknife/Kangiqhiniq/Qamanittuaq. Halumaittut imait hiniktaqviki tamaitnilu ikuutaqvit havakvit kuviyauniat ilutuniqmut halumaqhigayukhat. Ilutunit nunat halumaqtigauniat iniqata atuqni ikuutaqniqmut putut taphumungalu hiniktaqvikmut, havaguhiq tamaat kinguliqamiklu halumaqtigauluni ihulitpat atuni maniqami havaguhit. Tamaita iqakuvaluit ikualatauniat upluq tamaat angiqhimayumi ikualattivikmi aqyailu huniumaittutlu ikualalaittut naptuyut iqakut nanniktigaulutik iqaqtauniat talvani Yellowknife/Kangiqhiniq/Qamanittuaq.

Havikhaqhiuqniq ihuani taphuma 2016-mi naunaiqtukhauyut atulat tugagakhat havikhaqhiuqpalliqlu pivaliatitnikhatluniit. Taty tamaita nappakaphuktut ahivaqtauniat talvangat havakvikmit nunalu tamat halumaqtigauluni malikhugit tunihimayut Qimainiq Ituptiginiqlu Upalungaiyautit. Pikpata tapkuat uuktugutauyut havikhaqhiuqniqmut havagutit nakuukpata, tukhigaut nutamut nunap atuqnianut piyungnautmut tuniyauniat tapkuat pityutigilugit hulivaliq pivaliatitaulaqlutit taphumunga havanguyumut.

Tamaita tapkuat nanminilgit 22 havikhanut pitaqni kavamatuatkut nunaitnittut. Ulapihaqni nunap qanugitninit, nauhimayut, Iqaluit angutikhatlu mikhihimanahuaqniat atuqtitlugu una havaq. Atuqtitlugu 2012-mi, tapkuat piyayut piyalgit atuqtuaguiqtaunilik. Una naunaiyainiq taty upalungaiyaqtauyuuq auyanut 2012-mi.

Golden Bull Risuasis pinahauqpiagtut aulanianik uqaqtigiktaqlutik ikayuqtigiklutiklu pityuhiqnik tamaitnut ilaayunut, ilautitlugit nunalikni nunaliuyut, tamaita aulattiyit kavamatkutni havaktit pigaluaqtitlugulu havaktaulaitnia tahamani Inuit Nanminini Nunani, tapkuat nanminilgit piniaqtaunilikni Inuit Katutyiqatigit tuhaumapkaqnik upluq inainiklu tamaita tingmitikkut nunaliginiqmut naunaiyainit piqaqmata nalatni Inuit Nanmini Nunat amihuni nanminilgit pitagaitni nunai.

Aipuru 28 2011.

Golden Bull Risuasis Kuapurisan,
Titigaqavua 6315, St Kilda Road,
Central Melbourne, Victoria 8008,
Australia.

Bruce Goad, Nunaligiya,
Inukshuk Havikhaqhiuqtit Nanminilgit,
(Kivgaqtuqhugit tapkuat Golden Bull Risuasis
Kuapurisan)
Aipuru 28, 2011.

Golden Bull Resources Corporation,
P.O. Box 6315,
Level 8, 580 St. Kilda Road,
Central Melbourne, Victoria. 8008.
Australia.

***INUKSHUK* Exploration Incorporated,**
(On behalf of Golden Bull Resources Corporation)
21861 44A Avenue,
Langley, British Columbia.
CANADA V3A 8E1.

ATTENTION: Bruce Goad, P. Geo.
E-mail: inukshuk@uniserve.com

April 28, 2011.